

## Риёзус солиҳийн (болалар учун) / Риёзус солиҳийн (болалар учун) / 111-ҳадис

111 - عَنْ أَبِي قَتَادَةَ رَضِيَ اللَّهُ عَنْهُ عَنِ النَّبِيِّ صَلَّى اللَّهُ عَلَيْهِ وَسَلَّمَ قَالَ: «إِذَا بَالَ أَحَدُكُمْ فَلَا يَأْخُذَنَّ كَفْرَهُ بِيَمِينِهِ، وَلَا يَسْتَنْجِ بِيَمِينِهِ، وَلَا يَتَنَقَّسُ فِي الْإِنَاءِ».

مُتَّفَقٌ عَلَيْهِ.

Абу Қатода розияллоху анхудан ривоят қилинади:

"Набий соллаллоху алайҳи васаллам:

**«Қачон сизлардан бирингиз пешоб қилса закарини (сиядиган аъзосини) ўнг қўли билан ушламасин ва ўнг қўли билан истинжо қилмасин, ҳамда идиш ичида нафас олмасин»,** деб айтдилар.

Муттафақун алайҳ.

**Шарҳ:** Одоб -Ислом хусусиятларидан бўлиб, у мусулмонлар ҳаётида фақат салоҳият ва тўғри йўлга ундайди. Ҳатто ҳожатхонада ҳам одобга риоя қилишга чақиради. Масалан, истинжони ўнг қўлда амалга оширишдан ман этади. Чунки ўнг қўл дуо, зикр, таом ва фазилатли амаллар учун хослангандир. Аммо чап қўл ифлос, нажас ва бошқа нарсалар учун хослангандир. Шунингдек, Пайғамбар алайҳиссалом ўнг қўл билан закарни ушлашдан ман этдилар.

### Ҳадисдан ўрганганларимиз

1. Ўнг қўл билан закарни ушлашнинг кароҳияти.
2. Ўнг қўл билан истинжо қилишнинг кароҳияти.
3. Истинжо ва эснаш каби унча хушланмаган ишларда чап қўлни ишлатиш лозимлиги.
4. Сув идишга қараб нафас олишдан қайтарилган. Чунки нафас олиш завқланишга моненьлик қилиб, касалликка сабабчи бўлади.



HADIS.ISLOM.UZ  
NUBUVVAT MARVARIDLARI